



# COMISSÃO ANTI CORRUPÇÃO GABINETE DO COMISSÁRIO

Travessa Sérgio Vieira de Melo, Nú: 08 Farol, Díli Timor-Leste  
Telf: 3331382 / E-mail: [administrasaun@cac.tl](mailto:administrasaun@cac.tl), Website: [www.cac.tl](http://www.cac.tl)

## Termu Referénsia Asesor Nasionál Estudu Jurídiku no Política ba Gabite Komisáriu no Komisáriu Adjuntu

Nú. Referénsia ba Vaga	01/CAC/I/2019	Instituisaun	Comissão Anti-Corrupção (CAC)
Kategoria/grau	L5	Diresaun	Gabinete Komisáriu
Área Serbisu/Funsaun	Asesor Nasionál	Fatin Serbisu	Travessa : Sérgio Vieira de Melo, Farrol Díli, Timor Leste
Totál Vaga	1	Tipu Konkursu	Publiku
Saláriu Mensál	USD 3000.00	Relata ba	Komisáriu no Komisáriu Adjuntu
Tipu funsionariu	Kontratadu ho durasaun fulan ualu (8).		

### I. Natureza Serbisu

Korrupsaun ohin loron rekoñesidu nu'udar fenomenu kompleksu ida, ho dimensaun barak ne'ebé nia konsekuénsia negativa hasees tiha hosi dalan étika no morál, hadait ba moris sosiál no ekonomika, hatuur Estadu Direitu Demokrátiku nia fundamentu sira ba kauza (lia).

Nasaun sira seluk iha esperiéncia, relaciona ho prevensaun no kombate korrupsaun, hatudu momós katak iha nesiedade atu dezenvolve quadru lejislative koerente no integradu, tuir padraun ida be di'ak liu kona-ba governasaun (ukun) di'ak, ne'ebé respeita kompromisu internasionál sira, iha armonia ho prinsípiu sira- ne'ebé halulik ona iha konstituisaun.

Iha Timor-Leste, Comissão Anti-Corrupção – CAC estabete iha loron 15 fulan Julho 2009 ho lei número 8/2009, hanesan órgaun polisia kriminál especializada no nia misaun mak atu kombate korrupsaun liu dalan Prevensaun, Edukasan no Investigasaun, no mos vizaun husi CAC nian mak Timor-Leste Estadu demokrátiku ida ho kultura rejeisaun korrupsaun ida mak forte be interesse no prosperidade povu nian.

### II. Diskrisaun Serbisu

Bazeia ba lei CAC nian, ne'ebé previstu iha artigu 5º kona-ba kompetensias ba Komisaun, pontu 1, katak tuir matéria ba prevensaun kriminál nian, komisaun iha kompeténsia para: a) rekolla no análise informasoens relativu ba kazu no prevensaun ba korrupsaun; b) Realiza



# COMISSÃO ANTI CORRUPÇÃO GABINETE DO COMISSÁRIO

Travessa Sérgio Vieira de Melo, Nú: 08 Farol, Díli Timor-Leste  
Telf: 3331382 / E-mail: [administrasaun@cac.tl](mailto:administrasaun@cac.tl), Website: [www.cac.tl](http://www.cac.tl)

aksaun sensibilizasaun atu limite pratika aktus korrupsaun nian; no c) Akonsella kualker instituisaun ka entidade pública kona-ba modelu atu prevene no kombate korrupsaun. Hare ba pontu tolu ne'e, maka Asesor Nasional Estudu Jurídiku no Politika ba Gabite Komisáriu no Komisáriu Adjuntu nian sei halao knaar sira hanesan deskrebe iha responsabilidade jeral no espesifiku:

### III. Responsabilidade Jeral

Responsabilidade jeral husi Asesor nasional ne'e atu assiste no fo pareser ba Komisáriu no Komisáriu Adjuntu sira kona-ba asuntu legal sira ne'ebé liga ho serbisu CAC nian hanesan halo estudu ba Diploma Legál sirak ne'ebé relasiona natureza serbisu CAC nian no halo revizaun ba proposta liga ho regulamentu interna (SOP), kode konduta/ kodigu etika, kontratu sira no asuntu legal sira seluk ne'ebé relevante ho serbisu CAC nian.

### IV. Responsabilidade Espesifiku

Responsabilidade espesifiku ne'ebé mak Komisaun persija hanesan tuir mai ne'e:

- 1) Halo Estudu no analiza ba Lei, Dekreto Lei no Diploma Legál sira hodi detekta lakunas sira iha lei refere ne'ebé bele hamosu Korrupsaun iha Instituisaun Estadu nian.
- 2) Halo Estudu no Analiza bá ezekusaun Orsamentu Gerál Estadu nian tuir regras no prosedementu legal OGE nian.
- 3) Análiza no halo estudu kona-ba Diploma Legál sirak ne'ebé relasiona ho utilizaun no ezekusaun rekursus estadu nian.
- 4) Análiza no halo revizaun ba lei organika instituisaun CAC nian
- 5) Halo revizaun kona-ba kodigo konduta/ kodigo etika hodi prevene korrupsaun.
- 6) Halo revizaun kona-ba regulamentu sira CAC nian no SOP sira seluk ne'ebé CAC seidauk iha.
- 7) Halo revizaun kona-ba kontratu sira iha CAC nian.
- 8) Sosializa lei CAC no lei seluk kona-ba Anti-korrupsaun nian.
- 9) Análiza prosesu adjudikasaun/tenderizaun projektu.
- 10) Halo kordenasaun entre Instituisaun nakait wainhira Komisaun persija halo debate kona-ba Lei ruma ne'ebé maka persija atu hadia.
- 11) Fo apoiu ba komisaun hodi rekolla dokumentu legal sirak relasiona ho serbisu komisaun nian;
- 12) Fo pareser ba Komisáriu no Komisáriu Adjuntu sira liga ba serbisu legal nian.
- 13) Fo apoiu ba Diresaun Prevensaun no Sensibilizasaun liu husi Unidade Estudu no Avaliasaun Risku iha parte legal nian;
- 14) Elabora relatoriu hodi hatoo ba Komisáriu no Komisáriu Adjuntu sira;
- 15) Halo relatóriu no hato'o ba Komisáriu no Komisáriu Adjuntu sira.
- 16) Hala'o serbisu sira seluk tan ne'ebé nesesariu no relasiona ho serbisu CAC bainhira estrutura husu atu halo.



# COMISSÃO ANTI CORRUPÇÃO GABINETE DO COMISSÁRIO

Travessa Sérgio Vieira de Melo, Nú: 08 Farol, Díli Timor-Leste  
Telf: 3331382 / E-mail: [administrasaun@cac.tl](mailto:administrasaun@cac.tl), Website: [www.cac.tl](http://www.cac.tl)

## 1. Rekeztu Obrigatóriu:

### a. Kondisaun Jeral:

- 1) Sidadaun Timor-Leste.
- 2) Idade tinan tuir mata-dalan Funsau pública
- 3) Nunka kondenadu iha krime ruma, no nunka halo buat ruma ne'ebé konsidera inkompatível ho funsau sirak iha administrasaun pública nian.
- 4) Nunka hetan demisaun dala ida husi instituisaun Estadu nian.
- 5) Iha saúde di'ak tantu física no mental atu hala'o funsau ne'ebé nia konkore ba.

### b. Kualifikasaun Téknika no Esperiensia Serbisu

Atu dezenpeña serbisu iha area Estudu Jurídiku no Politika ho di'ak, kandidatu tenke hatudu kapasidade no koñesementu téknikas ne'ebé aas tantu formál eh informál iha área oin-oin inklui:

- 1) Iha esperiensia minimu tinan lima (5) iha area Jurídiku nian, ka iha area estudu relevante;
- 2) Iha kualifikasaun tékniku ne'ebé hatudu iha responsabilidade boot ba serbisu no iha kapasidade atu halo analiza, ética no lideransa;
- 3) Hatudu kapasidade uza Lian Tetum, Ingles no Portugues (koalia no hakerek ho diak).
- 4) Hatudu kapasidade análise no hakerek relatório ne'ebé di'ak.
- 5) Iha karta ka referensia husi intituisaun ruma ne'ebé indika kandidatu ne'e iha esperiensia iha area Jestaun Administrasaun no Protukolu.

### c. Rekeztu habilitasaun Akadémika:

Rekizitu abilitasaun akademiku mak hanesan tuir mai ne'e:

- 1) Edukasaun Formal iha área Direitu, minimu S1, prefere liu Masteradu ho experiénsia minimu tinan 5 iha área Juridiku nian ka iha area estudu relevante;
- 2) Literasia komputador iha programa standar Microsoft Office sira, hanesan Word, Excel, Power Point, internet no aplikasaun sirak ne'ebé relevante;
- 3) Iha sertifikadu tantu husi formasaun formal ka informa iha área Juridiku niain;
- 4) Iha sertifikadu seluk ne'ebé relevante ho serbisu.

## 2. Rekerimentu adisional ne'ebé prefere liu:

- 1) Komunikaun diak tebes iha lian Tetun, Ingles, Portugés inklui hakerek no mos koalia.
- 2) Iha kartaun kondisaun hanesan (karreta no motor).

## 3. Kualifikasaun interpersonal

- 1) Iha sensibilidade ba ambiente serbisu no asuntos sosiu-kultural no politika;
- 2) Hatudu ética serbisu, maturidade no responsabilidade;
- 3) Hatudu vontade atu serbisu no buka hatene liutan no hasoru desafio iha CAC inklui serbisu iha óras extra;
- 4) Iha maturidade, onestidade no sensibilidade ba serbisu iha CAC;
- 5) Hatudu kapasidade serbisu hamutuk iha ekipa ka grupu ida;



# COMISSÃO ANTI CORRUPÇÃO GABINETE DO COMISSÁRIO

Travessa Sérgio Vieira de Melo, Nú: 08 Farol, Dili Timor-Leste  
Telf: 3331382 / E-mail: [administrasaun@cac.tl](mailto:administrasaun@cac.tl), Website: [www.cac.tl](http://www.cac.tl)

- 6) Motiva funsiunáriu iha serbisu fatin atu serbisu ho di'ak;
- 7) Hatudu kapasidade lideransa;
- 8) Hatene rai segredu instituisaun nian ho responsabilidade no labele fo sai ba liur.
- 9) Familiar ho dinámika mudansa organizasionál nian;
- 10) Hola asaun ho integridade ho modelu étika nian ne'ebé a'as;
- 11) Hametin fiar hodi trata individuál sira ho justu, suporta ka fô liman ba sira seluk wainhira enfrenta difikuldade;
- 12) Hatudu kapasidade atu rezolve problema prátika sirak no komplikadu ne'ebé involve situasaun oin-oin;
- 13) Hatudu kapasidade organizaun;
- 14) Hatudu kapasidade atu bele kria komunikaun ho ema seluk ho diak;
- 15) Prontu atu serbisu liu óras serbisu bain-bain nian;
- 16) Kapasidade di'ak tebes atu serbisu mes-mesak no serbisu iha ekipa ida;
- 17) Kapasidade atu promove serbisu-hamutuk ho pesoál Governu, autoridade lokal, no pesoal ofisial CAC nian;

#### 4. Dokumentu sira ne'ebé presiza mak tuir mai ne'e:

Ba maluk sira ne'ebé iha interese ba vaga refere bele hatama dokumentu sirak mak tuir mai ne'e:

- 1) Dirije karta rekerimentu ba Komisáriu CAC, *Dr. Sérgio de Jesus Fernandes da Costa Hornai*, Travessa Sergio Vieira de Melo no.8 Faról, Dili,
- 2) Foto-kópia tahan ida sertifikadu edukasaun formál ikus nian no hetan legalizasaun husi Ministériu Edukasaun, lori ho original hodi justifika.
- 3) Sertifikadu relasiona ho kursu ka formasaun ne'ebé mak kandidatu iha.
- 4) Foto-kópia identidade Timor-Leste nian ne'ebé sei validu hanesan Kartaun Eleitoral ka Sertidaun Nasimentu, no dokumentu sirak seluk ne'ebé relevante.
- 5) CV (Curriculum Vitae) aktualizadu ka ida ikus nian.
- 6) Referénsia husi superior iha serbisu fatin uluk nian (se iha).
- 7) Bainhira mai rejistu tenki lori ho kartaun Eleitoral ka BI (Billete Indentidade) original atu sertifika identidade kandidatu nian.

Simu aplikasaun hahú husi loron : 05 fulan-Marsu 2019  
Óras hatama aplikasaun :  
Dader : 08:00 - 12:00  
Lokraik : 14:00 - 17:30  
Prazu Aplikasaun remata : 20 fulan-Marsu 2019

  
Fulan Marsu 2019,  
  
Dr. Sérgio de Jesus Fernandes da Costa Hornai  
Komisáriu CAC